



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 4. Error item Calvinii asserentis tropum esse in prædicato Corpus meum, &c.

urn:nbn:de:hbz:466:1-40834

ciffimè, in quod omnia alia resolvuntur ; ipsum verò in nullum aliud resolvi potest ; sic enim resolvis, Christus patitur , id est patiens ; ipsum verò ut inclusum , non potest resolvi ulterius, nisi resolvas in seipsum. Unde impossibile est in eo fuisse tropum : quia verò signum esse non est aliud quam significare , hinc fit , ut unum signum de signo prædicetur , vel res significata de aliquo signo parabolico sine ullo tropo soleamus , *est*, explicare per *significat*, ut ensis est gladius , septem boves septem anni sunt , semen est verbum Dei : Denarius est vita æterna , & similia. Itaque error ille Zuinglii ex imperitia natus est.

Quest. 4. Quomodo confutari potest error Calvinii asserentis esse tropum in prædicato Corpus meum , ut sit idem quod signum , seu figura Corporis mei ?

Resp. Posito Calvinii errore , illud *Hoc* demonstrare deberet Panem , quod supra rejecimus ; deinde Græcè additur articulus ὁ ἁλυσ *hoc* istud Corpus quod habet vim exprimendi veri Corporis , & distinguendi ab omni alio , quod etiam nomine Corporis significari potest , scilicet Corpus mysticum quod est Ecclesia , ac proindè ipsissimum illud verum Corpus meum : quod multò efficacius postulant verba sequentia apud Lucam & Paulum , *quod pro vobis datur* , quod verbo Græco ὁ δίδωμι , quasi diceret Corpus datum : conjungitur enim adjectivum in recto , cum substantivo Corpus , ita ut illud ipsum , quod vocatur in recto Corpus , sit datum : figura autem Corporis non est data pro nobis , neque in Cœna neque in Cruce. Evidentius autem id postulat forma Calicis apud Lucam cap. 22. v. 20. *Hic est Calix novum Testamentum in sanguine meo, qui pro vobis fundetur* , ubi ipse Calix sangui-

De Sacram. Euchar. Cap. V. 153

nem scilicet continens pro nobis effusus dicitur, quod de figura vel Calicis vel sanguinis nullo modo dici potest.

Et sanè cum Agnus Paschalis figura fuerit Christi in Cruce offerendi, ut patet Joannis 19. Si Corpus non est aliud, nisi figura Corporis in Cruce offerendi, profecto figuram figuræ substituit, cum tamen voluerit figuris finem imponere. Hinc ne quis hinc tropos, figuræ, parabolæ imaginaretur, Cathégoricæ locutione usus est verbis lucidissimis, quibus apertiora, aut simpliciora fingi nequeunt. Hinc cum Evangelistæ in aliis recensendis plerumque verbis discrepent, hinc è contrariò tres Evangelistæ & unus Apostolus Paulus, cum diversis temporibus, ac locis scriberent, in nullo omninò discrepant. Et tamen, ut ait Doctissimus quidam Evangeliorum commentator, tenebriones Hæretici qui ubique scripturas apertas esse clamitant, hinc tantas tenebras inveniunt, vel potius afferunt, ut sententiam quasi solis ipsius radiis scriptam in ducentas expositiones laceraverint; contra quos omnes, & si in verbis esset aliqua obscuritas, sufficere deberet unanimis totius Ecclesiæ, & omnium Patrum consensus.

